



Na osnovu člana 15. Zakona o principima lokalne samouprave Federacije Bosne i Hercegovine („Službene novine Federacije BiH“, broj 49/06 i 51/09), člana 38. Statuta Općine Hadžići („Službene novine Kantona Sarajevo“ broj: 15/09, 17/12, 10/13 i 14/13-ispravka, 11/18 i 1/20), Strategije prema mladima općine Hadžići 2024 – 2028 (Odluka o usvajanju 01-02-16673/23 od 28.12.2023. godine) te Pravilnika o uvjetima, načinu i postupku dodjele sredstava iz Transfera za mobilnost mladih Općine Hadžići (broj 02-11-3-3609/25 od 19.03.2025. godine 2025. godine), načelnik Općine Hadžići putem Službe kabineta Općinskog načelnika objavljuje:

JAVNI POZIV

Za dodjelu sredstava iz transfera za mobilnost mladih Općine Hadžići za 2025. godinu

1. PRAVO PRIJAVE

Pravo na dodjelu bespovratnih sredstava iz Transfera za mobilnost mladih mogu ostvariti pojedinci, učenici i studenti koji se nalaze na redovnom ili vanrednom školovanju u osnovnim, srednjim i visokoškolskim ustanovama, nezaposlene mlade osobe, aktivisti, članovi i volonteri nevladinih organizacija uz ispunjavanje sljedećih uslova:

- Da su državljani Bosne i Hercegovine;
- Da imaju prebivalište na području općine Hadžići duže od 1 (jedne) godine.
- Da pripadaju dobnoj skupini mladih u skladu sa Zakonom o mladima FBiH – od navršениh 15 do navršениh 30 godina starosti.

2. NAČIN DODJELE SREDSTAVA

Finansijska sredstva iz Transfera za mobilnost mladih dodjeljivat će se isključivo za finansiranje sljedećih troškova:

1. Putovanja (troškovi goriva, autobuske, avionske ili druge putne karte);
2. Kotizacije (troškovi učešća na edukacijama, radionicama, seminarima, konferencijama i sl);
3. Boravka (smještaja, hrane i sl.) i
4. Troškova vize.

Korisnik sredstava je dužan dostaviti dokaz da organizator aktivnosti neće pokrivati putne troškove, troškove kotizacije, troškove viza i boravka.

Maksimalan iznos bespovratnih sredstava u jednoj godini, za jednu osobu iznosi:

- Do 200,00 KM za putne troškove, troškove kotizacije i boravka u svrhu aktivnosti koje se odvijaju unutar Bosne i Hercegovine;

- Do 400,00 KM za putne troškove, troškove kotizacije i boravka u svrhu aktivnosti koje se odvijaju u zemljama regiona: Hrvatska, Srbija, Slovenija, Sjeverna Makedonija, Albanija, Kosovo i Crna Gora.
- Do 600,00 KM za putne troškove, troškove kotizacije, troškove vize i boravka u svrhu aktivnosti koje se odvijaju u ostalim nepomenutim zemljama.

Pravo na dodjelu bespovratnih sredstava pojedinac može ostvariti samo jednom u toku jedne budžetske godine. Za aktivnosti koje se održavaju u Kantonu Sarajevo Općina može finansirati samo troškove kotizacije.

Finansijskim sredstvima iz Transfera za mobilnost mladih neće se finansirati troškovi putovanja i učešća u aktivnostima vezanim za političke stranke u i van Bosne i Hercegovine.

3. POTREBNA DOKUMENTACIJA

1. Izvod iz matične knjige rođenih (original ili ovjerena kopija);
2. Uvjerenje o državljanstvu (ne starije od 6 mjeseci – original ili ovjerena kopija);
3. Uvjerenje o kretanju;
4. Dokaz: poziv za učešće ili potvrdu o učešću na seminaru/edukaciji/konferenciji
5. Potvrda o redovnom školovanju za učenike i studente;
6. Uvjerenje Službe za zapošljavanje za nezaposlene;
7. Motivaciono pismo za učešće u aktivnosti;
8. Dokaz ili potvrda o angažmanu u organizaciji/udruženju (ukoliko postoji);
9. Dokaz o ostvarenom uspjehu u formalnom obrazovanju (svjedočanstvo ili kopija indeksa);
10. Dokaz o ostvarenim rezultatima na općinskim, kantonalim, federalnim ili međunarodnim takmičenjima (ukoliko postoji);
11. Podaci o bankovnom računu.

Obrazac zahtjeva za dodjelu finansijskih sredstava iz Transfera za mobilnost mladih preuzima se na info pultu Općine Hadžići ili putem oficijelne web stranice Općine Hadžići.

Zahtjev za dodjelu finansijskih sredstava potrebno je dostaviti najmanje 15 dana prije realizacije aktivnosti.

Cjelokupna dokumentacija dostavlja se u zatvorenoj koverti na protokol Općine Hadžići uz obaveznu naznaku „**Služba kabineta Općinskog načelnika – Zahtjev za dodjelu sredstava za mobilnost mladih**“.

Sve dodatne informacije, aplikanti mogu dobiti putem telefona 033/475-957 ili putem emaila kabinet@hadzici.ba.

Javni poziv ostaje otvoren tokom cijele 2025. godine ili do utroška planiranih sredstva za ovu namjenu.

Pripremila: Mirela Dupovac

OPĆINSKI NAČELNIK

Broj: 11- 11-3-3621/25

Eldar Čomor, prof.

Hadžići, 20.03.2025. godine